

Pilersaaruserneq aamma nunaminertat atornerarnerat pillugit inatsisip (Nuna tamakkerlugu pilersaaruserneq, nunaminertanik inniminniineq, akuersissutiv sivilsussusaata sivitsorneqarnissaanut periarfissaq, utaqqisunik saqqummiussineq, pilersaarutitut aamma nunaminertanut naammagittaalliuuteqartarfiup peersinnera il.il.) allanngortinneqarneranik inatsisip nr.xx, xx.xx.201x atuutilersinnissaanut Inatsisartut aalajangiiffigisassaanut saqqummiussissut
(Aningaasaqarnermut Aatsitassanullu Naalackersuisoq)

Saqqummiussissut

Siullermeerneqarnera

Sanaartornermik suliasanik angisuunik imaluunniit annertuunik sanaartorfissanik pilerinartunik inniminniisinaanermut kommunit kissaataannit inatsisip allanngortinnissaanut siunnersuut aallaaveqarpoq.

Siunnersuummut ilaapput suliniutit avatangiisinut nalilersuineramik pisariaqartut imaluunniit pilersaarummut tunngavissamik nutaamik pisariaqartut. Qinnuteqartup avatangiisinut nalilersuineq imaluunniit pilersaarummut tunngavissaq nutaaq aningaasalersorsinnaappagu, kommunalbestyrelse nunaminertamik qinnuteqartumut salliutitsinissaminut periarfissaqalissaaq. Suliniut nunaminertamik inniminniiffiususaaq sapaatit akunnerini sisamani tamanut ammasumik tusarniaassutigineqareerpat kommunalbestyrelse aalajangiisinaavoq. Qinnuteqartut naammassisassaannik, taamaasillunilu ass. qinnuteqartunik aningaasaqarnerneq pissutaalluni sulianik naammassinnissinnaanngitsunik nalilerneqartunik immikkoortitsinnaanngorluni kommunalbestyrelse tunngavilersukkanik kinaassusersiunngitsunillu piumasaqaatiliusaaq. Qinnuteqartut arlallit piumasaqaatinik naammassinnippata, kikkut piumasaqaatinik naammassinninnerpaanersut kommunalbestyrelse tunngavilersukkamik naliliissaaq. Taamatullu sanaartornermik suliasat annerusut nunaminertamik atuinerat ukiup ataatsip tungaanut sivitsorneqarsinnaanngusaaq, tamakkua ukiut marluk sanaartorneqareerneranni atuilersinnaanermik akuersissummik pisinnaajuaannanngimmata.

Naalackersuisut Kalaallit Nunaanni, aningaasaliinerup ajornannginninngortinneratigut pilerinarninngortinneratigullu, inuussutissarsiutinik siuarsaaniarlutik ilungersuutaannut ilaasutut siunnersuut isigineqassaaq.

Tassunga atatillugu pilersaarusernermut inatsimmi aamma nutarterineq naleqquttuusorineqarsimavoq. Nuna tamakkerlugu pilersaaruserneq minnerpaamik ukiut sisamakkaarlugit pissaaq. Kommunit utaqqisui tamanut saqqummiunneqassapput. Aammattaaq nunaminertanut naammagittaalliuuteqarfiup peernissaa kissaatiginarpoq, nunaminertanummi akisussaaffik kommuninut tunniunneqarnikummata.

Taamatut oqaaseqarlunga siunnersuut Inatsisartunut suliasanngortippara, aappassaaneerneqannginneranilu ataatsimiititaliamut innersuunneqarqullugu.